



დამტკიცებულია შპს თაობის

დირექტორის მიერ

05.09.2025 წ. №01-04/21 ბრძანებით

შპს თაობა კლუბი “ოდისეა” დებულება

ბათუმი, 2025

კლუბი ოდისეა დებულება

მუხლი 1. შესავალი

სასკოლო კლუბი “ოდისეა” წარმოადგენს ზოგადსაგანმანათლებლო დაწესებულება შპს „თაობას“ (შემდგომში სკოლა) მოსწავლეთა განვითარების პლატფორმის (მოსწავლეთა თვითმმართველობითი ორგანო), სტრუქტურულ ერთეულს, რომლის ფუნქციონირება მოსწავლეთა მზაობის, საჭიროებების, ინტერესების, სასკოლო საზოგადოების/თემის მოლოდინების, სკოლის რესურსების და გამოწვევების გათვალისწინებით, ემსახურება სწავლა-სწავლების ხარისხის ამაღლებას და მოსწავლეთა ფუნქციური უნარების განვითარებას. თანამონაწილეობისა და თანასწორობის პრინციპზე დაფუძნებული სასკოლო ცხოვრების ორგანიზებას.

კლუბი “ოდისეა”-ს საქმიანობა განიხილება მნიშვნელოვან საშუალებად:

- ❖ მოსწავლეთა შინაგანი ძალების გასააქტიურებლად - აზრიანი, ღირებული საინტერესო შინაარსის და მრავალფეროვანი აქტივობების შეთავაზებით, რომელიც მოსწავლეების ცნობისმოყვარეობას, შემეცნებით მოთხოვნილებას პასუხობს, რაც მოსწავლეს განაწყობს სათანადო ძალების ზრდა-განვითარებისთვის საჭირო მიზანიმიმართული ქცევების განსახორციელებლად.
- ❖ მოსწავლეებში ფუნქციური ცოდნის შესაძენად - აქტუალური და რელევანტური შინაარსის, პრაქტიკული და კრეატიული აქტივობების შეთავაზებით, რომელიც მოსწავლეებს მისცემს შესაძლებლობას ცნებების შინაარსი დღეს არსებულ ცხოვრებასთან დააკავშირონ, რაც ცოდნის მრავალფეროვან საკითხებში გადატანისა და ფუნქციურად გამოყენების საშუალებას იძლევა.
- ❖ სასკოლო კულტურის განსავითარებლად/მოსწავლეთა ერთიან გუნდად ჩამოსაყალიბებლად - მოსწავლეთა ინტერესების, ღირებულებების, საჭიროებების შესწავლით და შესაბამისი ამოცანების, გამოწვევების გუნდურად გადაჭრით.

მუხლი 2. მიზანი

სასკოლო კლუბი “ოდისეა“-ს მიზანია ხელი შეუწყოს ლიტერატურული ცოდნის გაღრმავებას/ცნებების შინაარსის გააზრებას და მოსწავლეებში კომუნიკაციის, თანამშრომლობის, მოქალაქეობის, ნებელობის შემოქმედებითი და კრიტიკული აზროვნების უნარების გააქტიურებას.

მუხლი 3. ამოცანები

მიზნის მისაღწევად სასკოლო კლუბი “ოდისეა“-ს ამოცანებია:

- ❖ აქტუალური, რელევანტური, ღირებული შინაარსის/კონტექსტების უზრუნველყოფა;
- ❖ მრავალფეროვანი, ინტერაქტიური პრაქტიკული და კრეატიული აქტივობების უზრუნველყოფა;
- ❖ თავისუფალი, კეთილგანწყობილი დისკრიმინაციისაგან დაცული გარემოს/სივრცის უზრუნველყოფა;
- ❖ მოსწავლეთა ინტერესებზე, საჭიროებებზე მონაცემების მოგროვების და ანალიზის უზრუნველყოფა;
- ❖ სკოლის სხვა კლუბებთან/გარე ორგანიზაციებთან თანამშრომლობის უზრუნველყოფა.

მუხლი 4. პრინციპები

სასკოლო კლუბი “ოდისეა“-ს საქმიანობა ეფუძნება შემდეგ პრინციპებს:

- ❖ თანასწორობის დაცვა - რაც გულისხმობს სკოლის ყველა მოსწავლის მონაწილეობის, ჩართულობის, განვითარების თანაბარი შესაძლებლობებით უზრუნველყოფას.
- ❖ გუნდური მუშაობა - რაც გულისხმობს თანაშემოქმედებითობის განცდის გაძლიერებას და ხელშეწყობას.

მუხლი 4. სტრუქტურა

სასკოლო კლუბი “ოდისეა“-ს ხელმძღვანელობს კლუბის შექმნის ინიციატორი, რომელიც პასუხისმგებელია კლუბის ფუნქციონირებაზე. კლუბის ფუნქციონირებას მეთვალყურეობას უწევს მოსწავლეთა საკოორდინაციო საბჭო და საგნობრივი ჯგუფის მასწავლებელი.

კლუბის წევრები არიან მოსწავლეები საბაზო და საშუალო საფეხურიდან (მინიმუმ 5 წევრი).

კლუბს აქვს კლუბში გაწევრიანების მსურველთა განცხადების ფორმა, რომელშიც მსურველი მოსწავლე ხსნის თუ რატომ სურს კლუბში გაწევრიანება.

კლუბის ხელმძღვანელი კლუბის წევრებთან კონსულტაციის შემდეგ განიხილავს განაცხადს და 5 კალენდარული დღის განმავლობაში უკავშირდება მსურველს ინტერვიუს ან შემდგომი დეტალებისთვის.

კლუბის წევრობა მოიცავს პასუხისმგებლობას დადგენილი წესების დაცვასა და აქტიურ მონაწილეობაზე. კლუბში გაწევრიანება ნებაყოფლობითია. კლუბის წევრი ვალდებულია დაესწროს კლუბის მიერ ორგანიზებულ შეხვედრებსა და მონაწილეობა მიიღოს დაგეგმილ აქტივობებში.

კლუბის წევრობის შეწყვეტა შესაძლებელია პირადი განცხადების საფუძველზე ან კლუბის წესების დარღვევის შემთხვევაში, კერძოდ მოსწავლეს წევრობა შეუწყდება თუ: სისტემატიურად არ მონაწილეობს კლუბის მიერ ორგანიზებულ შეხვედრებში; არ იზიარებს და ითვალისწინებს კლუბის პრინციპებს, მიზნებსა და ამოცანებს.

მუხლი 5. აქტივობების ორგანიზება

სასკოლო კლუბი “ოდისეა“-ს საქმიანობა ციკლურია, რომელიც შემდეგი ეტაპებისაგან შედგება - აქტივობის დაგეგმვა, განხორციელება, მონიტორინგი და შეფასება.

სასკოლო კლუბი “ოდისეა“ საინტერესო კონტექსტების შეთავაზებით გეგმავს და ახორციელებს აქტივობებს რომელიც მიემართება - მხატვრული ლიტერატურის ჟანრების, მიმდინარეობის, კომპოზიციის/შინაარსობრივი მხარის, ენობრივი საშუალებების/მხატვრული ხერხების, ბიოგრაფიული, სოციოკულტურული კონტექსტების გააზრებას. როგორც შემეცნებითი ასევე ემოციური და ქცევითი დამოკიდებულებების განვითარებას.(პრაქტიკული აქტივობების შედეგად).

სასკოლო კლუბი “ოდისეა“ მოინიშნება სკოლის სამოქმედო გეგმასა თუ პროექტებში ამოცანების შესაბამისი იმ აქტივობის პასუხისმგებელ ერთეულად, რომელიც მიემართება ლიტერატურის კონტექსტს.

სასკოლო კლუბი “ოდისეა“-ს მიერ განხორციელებული აქტივობები არის პრაქტიკული, შემოქმედებითი ხასიათის, მრავალი სხვადასხვა ფორმის და რესურსის გამოყენებით, მაგალითად (შესაძლებელია სხვა ტიპის აქტივობების ორგანიზება):

- ❖ საგაზაფხულო და საშემოდგომო მკითხველთა მარათონი – წევრები ირჩევენ თემატურ წიგნებს და კითხულობენ განსაზღვრულ ვადაში.
- ❖ მხატვრული ნაწარმოებების წაკითხვა, შეხვედრებზე განხილვა; – რეგულარული დისკუსიები წაკითხული ნაწარმოებების შესახებ.
- ❖ "ავტორის კუთხე" – შეხვედრები თანამედროვე მწერლებთან, მთარგმნელებთან ან გამომცემლებთან.
- ❖ თემატური ლიტერატურული საღამოები – მაგალითად, "მოგზაურობის ლიტერატურა", "სიყვარული და მეგობრობა", "ფანტასტიკა და სამეცნიერო ფანტასტიკა".
- ❖ წერის ვორქშოპები – მოთხრობის, პოეზიის ან ესეს შექმნა.
- ❖ ლიტერატურული დუელები – ორი გუნდი იცავს განსხვავებულ ინტერპრეტაციას ერთი ნაწარმოების შესახებ.
- ❖ წიგნის გაცვლის დღე ("Book Swap Day") – წევრები ერთმანეთს უზიარებენ საყვარელ წიგნებს.
- ❖ ლიტერატურული თამაშები – მაგალითად, პერსონაჟების გამოცნობა აღწერიდან ან წიგნების სათაურების ასოციაციები.
- ❖ ლიტერატურული ბლოგი ან გაზეთი – კლუბის მიერ შექმნილი ონლაინ ან ბეჭდური გამოცემა.
- ❖ წიგნის ტრაილერის შექმნა – მოკლე ვიდეო, რომელიც რეკლამას უკეთებს წაკითხულ წიგნს.
- ❖ თემატური ექსკურსიები – მწერლის სახლ-მუზეუმში, ბიბლიოთეკებში, წიგნის ფესტივალებზე.
- ❖ სკოლაში თემატური კონკურსების (წერის, პოეზიის.....) ორგანიზება;
- ❖ სკოლის სპექტაკლის, ღონისძიებების სცენარის შექმნა;
- ❖ ლიტერატურული სპექტაკლის დადგმა – ნაწარმოების ფრაგმენტების თეატრალიზებული წაკითხვა.
- ❖ "წიგნის გმირის დღე" – წევრები ერთ დღეს ირჩევენ წიგნის გმირის ტანსაცმელს ან ატრიბუტს.
- ❖ წიგნის დამხმარე მასალების შექმნა – მაგალითად, რუკები, გენეალოგიური ხეები, ქრონოლოგიური ხაზები
- ❖ საკუთარი ნაწარმოებების (მოთხრობების, ლექსების....) შექმნა და გაზიარება;
- ❖ ლიტერატურასთან დაკავშირებული საკითხების შესახებ კონფერენციების, ღონისძიებების ორგანიზება.
- ❖ ლიტერატურასთან დაკავშირებული საკითხების შესახებ დებატების, პანელური დისკუსიების ჩატარება.
- ❖ Podcast-ების, ვიდეოების, ბლოგების/ვლოგების და სხვა კონტენტის შექმნა.
- ❖ სხვადასხვა პროდუქტების შექმნაზე მუშაობა (ნაწარმოები, სამაგიდო თამაშები, კომიქსები, ჟურნალი....).
- ❖ დოკუმენტური და მხატვრული ფილმების ჩვენება და განხილვა/დისკუსია;

კლუბის მიერ დაგეგმილი და განხორციელებული აქტივობები ითვალისწინებს დაწყებითი საფეხურის მოსწავლეების მონაწილეობას, ჩართულობას.

დაგეგმილი აქტივობების განხორციელების მონიტორინგის და ანალიზს/შეფასებას ახდენს კლუბის ხელმძღვანელი და საკოორდინაციო საბჭო. აქტივობების შედეგები აისახება მოსწავლეთა განვითარების პლატფორმის ანგარიშში. შედეგად გამოიკვეთება/მოინიშნება ახალ სასწავლო წელს განსახორციელებელი აქტივობების რაკურსი.

მუხლი 6. კლუბის ფინანსები

კლუბის საქმიანობა ფინანსდება სკოლის ბიუჯეტიდან ან/და მონაწილეთა/მსურველთა შემოწირულობებით. ყველა ფინანსური საკითხი გამჭვირვალეა, ნაწილდება კლუბის წევრების შეთანხმებისამებრ და კონტროლდება კლუბის ხელმძღვანელის მიერ.

მუხლი 7. გარდამავალი დებულება

სასკოლო კლუბი "ოდისეა"-ს დებულებას ამტკიცებს სკოლის დირექტორი. დებულებაში ცვლილების შეტანა ხდება სკოლის დირექტორის მიერ გამოცემული ბრძანებით.